



SAKSPAPIR

Saksnr	Utval	Type	Dato
81/2022	Formannskap/plan- og økonomiutvalet	PS	27.09.2022
	Kommunestyret	PS	

Sakshandsamar	Arkiv	ArkivsakID
Kenneth Stokke	FE-242	20/763

SØKNAD OM TILSKOT FRÅ NÆRINGSFOND

Vedlegg:

Søknad om tilskot - Eksingedalen snarkjøp AS

Kommunedirektøren sitt framlegg til vedtak:

Kommunestyret vedtek å tildele inntil 190 000,- til Eksingedalen snarkjøp. Forutsetninga for tildelinga er at butikken sikrar vidare drift gjennom vinteren og at Merkur innvilgar restfinansieringa. Pengane vil bli utbetalt innan Eksingedalen snarkjøp sine fakturaer for omsøkte tiltak forfell. Tiltaka blir finansiert av næringsfondet og kommunedirektøren får fullmakt til å gjere naudsynt budsjettjustering som følgje av vedtaket. Dersom ikkje heile summen blir utbetalt i 2022, blir resten å budsjettjustere i 2023, etter løpande forbruk.

Budsjettjustering år: 2022/2023

D 14700.7000.3250, inntil 190 000,-

K 19500.7000.3250, inntil 190 000,-

Fond 251080021 (Næringsfondet)

Formannskap/plan- og økonomiutvalet - Sak 81/2022

FPØ - Behandling:

Kommunedirektøren sitt framlegg til vedtak vart samrøystes vedteke.

FPØ - Tilråding/Vedtak:

Kommunestyret vedtek å tildele inntil 190 000,- til Eksingedalen snarkjøp. Forutsetninga for tildelinga

er at butikken sikrar vidare drift gjennom vinteren og at Merkur innvilgar restfinansieringa. Pengane vil bli utbetalt innan Eksingedalen snarkjøp sine fakturaer for omsøkte tiltak forfell. Tiltaka blir finansiert av næringsfondet og kommunedirektøren får fullmakt til å gjere naudsynt budsjettjustering som følgje av vedtaket. Dersom ikkje heile summen blir utbetalt i 2022, blir resten å budsjettjustere i 2023, etter løpande forbruk.

Budsjettjustering år: 2022/2023

D 14700.7000.3250, inntil 190 000,-

K 19500.7000.3250, inntil 190 000,-

Fond 251080021 (Næringsfondet)

Saksopplysningar:

Samandrag/konklusjon (kort om saka)

Eksingedalen Snarkjøp har som mange andre opplevd kraftig auke i utgifter til straum. Butikken søker om støtte til å investere i ny teknologi for å betre handtere straumforbruket i tida som kjem. Butikken søker dermed om støtte til tiltak som vil redusere straumforbruket, og utgifter til straum, i framtida.

Vurdering og konsekvensar

Vaksdal kommune har motteke søknad frå Eksingedalen snarkjøp om støtte til tiltak for å få ned straumforbruket i butikken. Dette vil igjen føre til reduserte kostnader til straum. Straum blir ein større og større del av utgiftene og er opplevd som ein stor utfordring for butikken å handtere. Det krevst store mengder straum for å oppretthalde både kjøling og varme og det er vanskeleg å redusere forbruket med noverande inventar og diskar.

Butikken er eit viktig knutepunkt i eksingedalen og er viktig for busettinga som er der. Forutan vanleg butikkdrift har butikken heimlevering, som gjer at folk i eksingedalen kan få levert varer direkte heim til seg. Nærmaste alternative butikk er langt unna (evanger eller modalen). Det kan for mange vere utfordrande å koma til desse alternativa, spesielt på vinterstid. Dette gjer at butikken skil seg ut frå mange andre butikkar og det er viktig for busettinga i området at butikken består.

I vedlagt søknad er det lista opp tiltak for å skape ein meir berekraftig drift som vil gjere at butikken er betre rusta for å klare seg, også i framtida. Dei noverande kostnadane frå månad til månad må butikken ha hjelp til å få dekkja gjennom den statlege ordninga som vart presentert 16.09.22. Tiltaka som er omsøkt vil ha eit lengre perspektiv, sjølv om delar at tiltaka ikkje treng å ta så lang tid å få installert (til dømes plug in)

Søknaden vart opprinnleg sendt til bygdeutviklingsfondet men er etter enigheit med søkjar heller vurdert opp mot næringsfondet. Søknaden er vurdert opp mot vedtektene for næringsfondet og er funne å stetta krava i vedtektene. Det er søkt om tiltak som kan sikre arbeidsplassar og er ikkje for å dekkja løpande drift.

Føresetnad for at kommunen skal gje omsøkt tilskot frå fondet er at størrelsen på tilskotet er innanfor regelverket for bagatellmessig støtte. Slik det er no, er dette innanfor. Ein annan føresetnad er at butikken sikrar vidare drift, også etter vinteren. Dette vil bli meir klart når effekten av den

statlege støtteordninga blir kjent og butikken kan framlegga plan på inndekking av kostnadane til straum gjennom vinteren. Før kommunen eventuelt utbetaler beløpet er det viktig å få avklart at restfinansieringa gjennom Merkur også er innvilga. Kommunen vil betale ut beløpet etter framvising av faktura på dei omsøkte tiltaka dersom støtta blir vedteke.